

攻媿先生文集

三十二



攻媿先生文集卷第七十六

題跋

跋欲書

四明樓

鑰大防



蜀隆州有山名跨鼇郡人李公新號跨鼇先生  
 有書一編名欲書觀物先生張公行成跋云方  
 言曰欲倦也丁度謂字或作欲故司馬相如云  
 窮極倦欲而釋者亦云倦欲疲憊也先生之書  
 以欲名蓋示其倦游不晞時用也余考之集韻  
 二十陌有欲字與劇同音注引方言倦也然則  
 此書之名音從劇義則倦跨鼇之意不過此爾  
 然說文解字無欲而有𠵿集韻欲胡官切𠵿  
 亭名在上谷𠵿謨官切說文解字𠵿極虐切相  
 𠵿𠵿也二字若不類而俗書足以相亂欲从山  
 谷之谷彈丸之丸則是 欽宗廟諱嫌名第三  
 十六字止是亭名別無義可取跨鼇卒於宣和  
 之末故不以靖康之嫌名為避𠵿从谷亦極虐  
 切口上阿也从口上象其理卻給皆从此俗書  
 與山谷之谷無別𠵿已逆切持也象手也集韻  
 云隸變為丸執孰等之丸恐筑之凡皆當以𠵿

俗書與丸凡無別司馬相如上林賦曰徼欲受  
誣曰窮極倦欲俱音劇倦欲疲憊也而說文佩  
字徐錯通釋亦引上林賦徼極受屈謂以力相  
踣角徼要極而受屈也欲竭戟切佩極虐切聲  
亦相近疑即佩字也跨鼈之書不應取踣佩之  
義正用方言上林賦倦欲之意耳區區雖若辭  
費詳考及此因併見之以俟好古者癸未申同  
年錫赴宏詞多用奇字已在選中正用倦欲字  
而有司以爲犯 廟諱嫌名而罷之過矣

### 跋菴書

余君種編大易粹言刊於龍舒又自著書名曰  
菴書以八起數或問菴字何義余攷說文解字  
二字部亟字注敏疾也从人口又二二天地也  
去吏反徐錯通釋曰承天之時因地之利口謀  
之手執之時乎時不可失疾也會意氣至切集  
韻於去聲七志正引上文而又於入聲二十四  
職出此字亟菴菴注亦引上文而云或作菴菴  
余君既擬太玄潛虛以爲書謂此字實備三才  
故用之亦務用奇字故又加卅第未知菴字止  
用集韻爲據惟復別見它書其下又加木則未

之見也當考去吏乃本音也亞當从去聲爲正

跋汪季路所藏書畫

東坡西山詩

西山詩碑止有坡谷張右史三篇近歲鄧公裔孫以前輩和篇數十首相示輒不揣次韻附見于後時在翰苑仍効周益公用印章蓋南渡來官府印多更鑄惟翰林院猶用承平時舊印鑄於景德二年蘇鄧二公俱曾用此也

顏魯公書裴將軍詩

魯公集中不見此詩裴將軍不知爲誰旣言劍

三八

以魏文有卷第十一

賦一

三

三五

舞疑爲裴旻曾子言有若無實若虛犯而不校昔者吾友嘗從事於斯矣初不指名爲何人而後世皆以爲顏子不疑此書不見姓名其劍拔弩張之勢非忠肝義膽不能爲此所謂言言如嚴霜烈日真可畏而仰哉

溫公倚几銘

文正公自不妄語推之疊疊千餘言一出於正是以輔成元祐之治古之人所以大過人者無他善推其所爲而已耳

蔡端明吐谷渾曲

此柳河東鏡歌鼓吹曲第十篇李靖滅吐谷渾  
西海上曲也忠惠公字人言愈小愈好而大字  
亦足名世瑰詞妙墨可稱二絕

富韓公帖

國初襲前代之舊士夫隔品致敬則端拜自文  
忠公爲相一切罷之潞公嘗云宰相事體都被  
富鄭公壞了茲觀與李待制師中書詞謙尊而  
光尤增歎仰公在當時猶山嶽然一趙濟敢搖  
之而師中亦凌慢如此況他人乎

趙德父帖

趙德父爲金石錄二千卷最稱精鑑此卷謂宋  
公無名繚者而黃長睿謂汲冢師春書宋之世  
次日景公繚者昭公子與此銘合當以繚爲正  
周繚女及散繚亦人名此謂仲忽以爲魯公器  
者無所據而薛尚功謂乃說文魯字古之文字  
形聲假借魯公者周公始封爲魯公爲周公祭  
文王之器無疑考古之難如此哉

范寬雪景

范寬畫亦可模見真者輒能辨之刻削窮絲髮  
而行筆堅勁鐵屋石人無能及者非其天性甚

寬亦不能爲此也

燕文貴

圖畫見聞誌載燕文貴本隸尺籍工畫山水不專師法自立一家規範預玉清昭應宮之役偶畫山水一幅人有告都知者因補圖畫院祇候實爲精品此卷不入家數而布置精工別有一種風氣豈其是耶

跋王逸老飲中八仙歌

朱巖壑跋逸老草書蘭亭禊序云逸少作行書逸老爲草字外人那得知當家有風味逸老以

三

五

五

五

五

草聖擅名其爲名公稱道如許寓居烏戍是時先太師岐國公爲監鎮與之還往舊亦得其八僊歌此本改从九从日字爲顛蓋長史素有此稱也羔羊居士乃其自號聖采爲所居之堂得柳軒豈亦其家耶某隨侍時當紹興十一二季間猶及識其人此卷書於庚午歲自言年七十有五則知生於丙辰余生於丁巳後公六十年方識公時才五六歲嘉定四年辛未始見此書則亦七十五矣感今念昔爲之惘然

跋張謙中篆金剛經

謙中之篆自成一家近當跋復古編頗詳此蓋其真蹟也然坡公有與趙清獻公帖云表忠觀碑額可用張子野之孫有書之子野吳興人名先而此云追薦亡父張三先生何耶更當詳考其間以袒爲但以轉爲禘以薩爲薛之類是終不欲書篆法之所無也

跋李晉明所藏書畫

文與可竹

笑字从竹从夭而字書不述其義李陽冰云竹得風其體夭屈如人之笑坡公亦曾用其說湖州兩枝開卷一閱真欲向人而笑者妙處可得而窺哉

與可老木

廉博士宣仲以古木墨戲得名於紹興間嘗以坡公真筆映之全無精采茲見湖州老筆又出其上坡公有云孰有愛其德如愛其畫者乎

東坡漁父詞

元真子生爲魯公客後又爲坡谷所稱至槩括其詩篇大書之其與屈靈均答問於江濱者何

吳耶



東坡獲鬼章告廟文

鬼章擾邊如唐之默啜种誼之竒功似郝靈筌第未知當時有詞臣如此否翟忠惠作安南制有云亦惟恃我朝廷爵秩假寵有邦用能保爾山川土田傳祚永世文人多稱服之蓋出坡公之遺意時方禁蘇氏學而文人之傑如忠惠公亦祖其緒餘是真不可揜矣

跋宇文廷臣所藏吳彩鸞玉篇鈔

始余讀文簫傳言吳彩鸞書唐韻事疑其不然近於汪季路尚書家見之雖不敢必其一日可

三日口

天苑全書卷之二

卷之二

一

卷之二

辨然亦竒矣爲之賦詩且辯其爲陸法言切韻茲見樞密宇文公所藏玉篇鈔則又過之是尤可寶也旣謂之鈔竊謂如此堂書鈔之類蓋節文耳以今玉篇驗之果然不知舊有此鈔而書之耶抑彩鸞以意取之耶有可用之字而畧去有非日用之字而反取之部居如今本皆以朱字別之而三字五字止以墨書字之次序亦不與今合皆不可致詰輒書前歲所與汪氏詩跋于左庶來者得以覽觀今玉篇惟越本最善末題會稽吳氏三一娘寫問之越人無能知者楷

法殊精豈亦彩鸞之苗裔耶

跋所書卞公祠堂記

東晉死節之士卞公爲最顯忠獻公爲之立祠忠簡公爲之作記忠肝義膽千載鼎立記成而忠獻趨召碑未及建今五十年矣忠簡之子澥將漕江左俾某書之將登于石某爲何人而敢與此顧惟平生慕卞公之節義恨不及登忠獻之門叨末第時受忠簡深知實門下士也茲乃率得以惡札託名於不朽故謹書之

跋趙氏所藏大士

趙君所供大士聞竹石皆廉博士宣仲之筆梵相則出於司馬參議端行廉諱布司馬諱梶皆以畫得名於紹興初余家亦有此像端行併作山林此軸得二名士各盡所長尤可寶也

跋胡五峯論語指南

論語一書自昔大儒不知幾人未有能發明仁之一字子夏問仁夫子固嘗荅以愛人矣韓昌黎原道首曰博愛之謂仁它何望焉自伊洛二先生始發千古之祕洙泗言仁深見本源茲讀指南一卷樞密黃公察院沈公皆深於此者五

峯斷以一言方見二公猶有差處一曰有心於  
爲仁則曰如此立言恐不識心不識仁也一曰  
能惡人則或者疑焉於是復明仁者之心曰本  
無所惡也則曰則是當好惡之時曾中元未了  
了也烏得爲仁又顏淵問仁之下有曰人有仁  
不仁心無不仁此要約處不可豪釐差嗚呼此  
言旨哉此論語之本體也然而非二公相與講  
貫亦無以發五峯之言故易以朋友講習爲說  
蓋天下之說未有過於此者夫子以學之不講  
爲憂蓋君子之憂未有甚於此者學者可不勉  
哉

三五  
文魁之集卷第 十一六  
跋一  
九  
方臣

跋張樂全上范文正公書

范文正公講道睢陽樂全以文受知晏元獻公  
欲擇二婚其一則富文忠公次則樂全樂全雖  
不成婚然皆文正所薦文正通守河中樂全以  
布衣寄此書自叙南都知獎甚深蒲坂會府則  
河中也又曰經術興於南郡士林歸乎北海北  
海濰州也文正未嘗仕於濰亦無北海之稱南  
郡亦非爲南都恐是引用馬季長孔文舉事故  
俱不平闕而集中却有上北海范文正書又有

謝范天章薦應制科詩在明道二年又有謁青  
州范天章等詩考之乃范中丞諷也樂全雖爲  
文正所知二范俱曾爲天章閣待制俱曾知青  
州然文正在明道間始爲通守而諷已爲天章  
文正知睦州蘇州之後始得此職又執政之後  
知邠鄧杭晚知青州則已疾甚樂全亦已通顯  
而諷正以天章守青社又實以明道二年同宋  
宣獻蔡文忠列薦樂全茂材異等然則集中詩  
及書皆爲諷而作青州在漢屬北海唐天寶曰  
北海郡 皇朝以青北海縣置軍後升爲濰州  
政和始以青州爲齊郡以濰州爲北海郡此書  
稱北海蓋謂青州也因具列之以俟知者此書  
當在范氏而乃傳於女孫豈書成不及上仍藏  
於家耶

跋東坡備水帖

蘇少公序黃樓賦謂長公之備水有三焉水至  
而民不恐水大至而民不潰水旣去而民益親  
此帖言得旨見役七千餘人蓋水去之後請增  
築徐城以木堤捍水衝之時熙寧七年七月河  
決澶淵九月水至城下帖稱二月十日則其明

季元豐元年戊午也坡時年四十三筆雖未老而精彩照人可寶也

跋李莊簡公與傅樵風帖

建炎四年金陵潰卒四散三月戚方既殘廣德五月遂圍宣州鋒不可當叅政莊簡李公時爲太守無兵可恃亟設方畧招潰卒於郊野厚待之以爲用戚與其副並馬近城指畫攻具公以一書傳矢射副馬前大畧言戚乃凶寇天誅必加汝爲將家何至附賊二人相顧曰此間我也攻稍緩始得爲備詔遣統制巨師古劉晏率兵救之晏戰死第三帖所言巨劉爲此也嘗巡城親以鐵扇障面而賊箭正中之危機屢矣舊曾問於老校退卒而得其詳經略潘公其壻也嘗言公當危時寘匕首枕匣中與家人約曰城不可必保若使人取匕首則我必死汝輩亦俱自戕無落賊手一日危甚果遣人至一家慟哭旣而報少寬矣公誓以死守勵志如此故將士用命賊遯而城全郡人至今祠事之觀所與給事傅公手帖則所聞益信二公里人忠義相勉風節凜然皆可畏而仰哉

跋呂東萊舍人所作趙鈐轄墓表

趙侯死節九江三子相從於難父死於君子死於父忠孝之道萃於一門殆有東晉卞氏之風劉公嘗任從班丞相沉之孫也爲之墓碑甚詳東萊紫微呂公有文章重名又爲之墓表足以傳不朽矣侯之元孫吳興使君崇規先以墓碑示惠朱晦菴跋語謂東萊碑銘今不復存當爲求之其家吳興之父道州亦自言未入石而家多故因亾其本吳興一日又過某曰近從臨川宗族家遂得墓表錄本且得東萊所答簽判書真蹟欲俾書墓表以補先世之遺慨然爲書且勉其併刻東萊之帖以信後世某何幸乃得以鄙札託名於斯

跋彭子壽甲寅奏藁并日錄手澤

紹熙五季歲在甲寅七月甲子 皇上初受內禪恭儉仁孝中外具孚厲精圖治群賢在列曾未幾時而權臣已浸浸孽牙其間無有敢白發其端者時惟吏部侍郎彭公以舊學受眷最渥忠憤激發數其姦狀自此補外某在東臺同中書舍人林公繳奏至再竟不得回消長自此分

矣三人之言皆驗於後而公尤爲曲突徙薪之  
首更化之初與林公俱召遂列邇聯獨公不及  
見今日爲可痛也公之子司農寺主簿欽出奏  
藁及日錄手澤等見示覽之輒爲流涕公論旣  
白上恩加厚公亦不自悼其不幸於九原矣欽  
倅嘉禾求跋其後林公下世亦已五年感念疇  
昔病中扶憊書此公之德業皆已見於隧碑不  
復屢書嗚呼子壽可以不朽矣

跋韓熙載投吳狀

揚行密之據淮南一傳渥再傳隆演徐溫已專

政矣九季溫始進隆演爲吳王而建國天祐十  
六季始即吳王位改唐之天祐爲武義元年又  
傳至溥改元順義拜溫左丞相其子知誥爲左  
僕射六季歲在丙戌溫雖在金陵制朝權而政  
已歸知誥立延賓亭以待士四方豪傑歸之時  
中原多故名賢宿德皆亡身歸順此正熙載投  
吳之時也其父光嗣爲後唐明宗所殺熙載方  
隱嵩丘懼禍及而南奔所謂司空者非溫即知  
誥而史傳江南諸書不載其爲司空宋齊丘雖  
爲司空乃在大和六季歲在甲午相去九季矣

熙載文華擅一時南唐謚以文靖此狀雖挾戟  
國縱橫之氣不脫五季萎苶之體然詞翰俱勝  
惜乎生不逢辰崎嶇危亂中自朱元之變嗣主  
益忌北人多醜之遂至自汙要其論議未嘗少  
屈信英物也想見分裂之時南走北走之士類  
假此等文詞以自見禪月貫休之投孟蜀有詩  
云一瓶一鉢垂垂老萬水千山得得來亦此類  
耶

跋向薌林拘僞楚檄藁

博陸侯既立宣帝威權益重而嚴延年劾其無  
人臣禮事雖不行朝廷肅然敬憚之使博陸雖  
有驕慢之心亦足以奪其氣僞楚虛有其表中  
實謬懦豈敢望博陸之萬一建君主龍天之議  
則其人可知向公一聞竒變即檄合肥拘其家  
想其方在惶擾憂恐中聞此寧復敢桀邪封府  
庫以臣名奉 昭慈垂簾而上璽綬於 高宗  
雖出一時諸公之議而此舉實中其機此豈淺  
丈夫所能及哉

又薌林家規

薌林遺訓凜然如生而三子俱賢興國及邵倅



既遵行維持於前貳車高壽獨殿諸公保家之  
慮尤爲深長既聞於郡又刻之石諸孫相與結  
約爲久遠之計士夫名家能守素業少見其比  
臨武令君悉以見示歎仰不已然嘗聞古之循  
吏有云律設大法禮緣人情蓋不欲專以法臨  
民也家規如學規然師與弟子以道義相處不  
得不立規矩以警其不率者非恃此以爲庠校  
當有行於規矩之外者而況家乎臨武令爲一  
門最長更惟勉之以全雍熙之軌則向氏之興  
未艾也既以薌林文集求序引又書此以贈之

代史少保恭題

御製和詩

臣不肖仰蒙 陛下矜念簪履之舊俾待罪經  
帷寵光殊奕夙無前比迺季秋壬子錫宴於澄  
碧殿因獲縱觀清激之勝洞心駭目如上崑閩  
捧手從游天顏益溫命宿玉堂之直廬顧謂臣  
此會不可以無紀臣亦思叙感遇之萬一是夕  
裁成古詩三十韻上進 陛下賜以宸章俯同  
其韻華袞之褒下飾小己雖聖主所以優禮老  
臣者務極其至而隆天厚地之恩臣愚何以稱  
塞竊觀有虞盛時帝庸作歌而後臯陶颺言載

賡猶得大書簡策垂文後代臣之蕪陋焉敢言  
詩而乃上勤睿作之妙是豈惟近世儒臣遭逢  
之所未有視臯陶抑有光焉儻不能勒之堅珉  
以後大賜臣則有罪臣洪惟 陛下聖學淵奧  
句法深醇渾然天成兼備衆體一詩之中屢致  
意焉有曰躋民期仁壽有曰朕瘠天下肥得以  
見 陛下之用心有曰都護萬年觴何當至庭  
祀得以見 陛下之立志若夫罄嘉謀以起勳  
業則非臣衰朽之所敢承至使直筆以紀中興  
臣不佞苟未先狗馬填溝壑雖在田里尚庶幾  
見之

代仲舅汪尚書跋了齋表藁

德壽皇帝中興慨念 裕陵實錄之誣紹興甲  
寅乃詔三館之士是正之內相范公冲中書舍  
人任公申先相繼職其事當時英俊皆在選中  
吾鄉禮部侍郎高公閱其一也先少卿方官于  
朝高公以姻連館寓間見諸公往來議論之餘  
某因得剽聞一二及取忠肅陳公所著尊堯集  
讀之其立言措意無非忠憤所激英風義氣凜  
凜乎方冊之上自恨晚出不得端拜下風逮今

五十年始獲見公手書表藁於蔣君輝之家盥  
手諦觀爲之歛衽遐想氣象如在左者嘗竊考  
之國史政和初元張公商英猶在相位編修政  
典局其所建也於是得旨命公繳進此書及奏  
御留中而張公以八月罷政用事者隱其詔索  
之實而誣以私九月遂有台州之謫觀公題識  
數語雖在顛沛艱危中其尊君戴土之心死生  
禍福有不能奪者抱壹鬱於一時昭聲烈於萬  
世以此較彼孰得孰失某輒不揆敬書其後而  
歸之

攻媿先生文集卷第七十六

攻媿先生文集卷第八十

四明樓

鑰大防

青詞

壽皇聖帝不豫祈禱青詞 同侍從

慈宮違豫未底於安平從列投誠敢伸於頌禱  
恭修淨供仰叩高真 至尊壽皇聖帝恭願自  
天降康勿藥有喜備四時之氣坐迪泰和得萬  
國之驩益嚴至養

先君九幽青詞 卒哭

無父何怙莫酬罔極之恩謂天蓋高尚冀至誠

攻媿先生文集卷第八十

青詞一

一

馬祖

之感伏念臣父具位臣某誠而處已儉以助廉  
久無求進之心晚遂退閑之志壽幾八秩方承  
啜菽之歡釁積諸孤遽遭陟岵之痛攀號靡及  
視息僅存驚卒哭之在辰愴慈顏之益遠平生  
素履宜得遂於逍遙宿世塵緣恐尚稽於超度  
是用被除庭宇祇設醮儀廣延十極之真拔濟  
九幽之苦集茲冥福用薦英蒐恭願雲馭來臨  
星官昭列先臣受鍊盡如黃籙白簡之言祕籍  
注名徑登絳闕清都之境哀祈至切追慕何窮

又 小祥

昊天罔極莫報於父慈太上至仁敢干於聖造  
伏念臣等先臣具官臣某久更勞役終幸退休  
驚宿疚之俄深痛冥途之遽隔周祥奄及哀益  
遠於音容善果屢脩曾未通於胎鬻平生廉儉  
神聽必昭積世愆尤凡心罔測詳究道家之旨  
要親聞幽報之彰明是用恭按沖科肅清私宇  
齋心戴事泣血陳詞伏望上聖顧歆衆真委照  
俾英靈之不昧悟機會之難逢祇受祕章謹持  
妙戒煉至真之水火集旣散之精神還復混元  
逍遙浩劫二兄一弟洎諸附度之亡魂六道四  
生悉遂飛昇於僊境攀號永訣感切何窮

疏意

伏以天地之德莫大於好生皇上之功最先於  
度世人雖已矣道則昭然符籙至靈召魂立應  
精神受煉脫體飛昇說妙戒以洗心燃法燈而  
破暗今者追慕嚴君之永隔緬傷同氣之云亾  
歷舉科儀備修人事若匪僊真之降格何由齋  
醮之圓成伏望俯聽哀祈監觀正度集殊勲於  
所怙覃善利於無邊悉令鬼趣之廓清益固凡  
情之信嚮

母氏醮謝匾蓋青詞

闔門百口曲蒙覆燾之仁稽顙一心敢復勤拳  
之謝伏念臣妾某夙依大道晚困多艱哀我良  
人僅經卒哭悲哉仲子遽不勝喪疫癘方興深  
軫傷弓之痛旄倪交恐實懷臨谷之危死者不  
可以復生餘息尚圖於苟活陶壺鐵柱擇地於  
華屋之方黃絹朱符藏身於北斗之下禱之于  
帝不俟浹旬蓋之如天於焉閱歲是用汛除庭  
宇祇按科儀共竭誠心仰伸昭報恭願上真降  
鑒列聖居歆時序既周爰用蘋蘩之羞薦香火  
雖徹更祈神物之護持大禍之餘他何覬望殘  
生未泯願保團藥

保安醮青詞

門戶有祥嘗祈道蔭歲時既久爰荅初心伏念  
臣憂患以來兢虞益甚重累有飢寒之患慈親  
當喜懼之年頃因宵夢不寧筮占匪吉深慮鬱  
攸之氣共爲遷徙之謀家旣平康神斯佑助茲  
以之官在邇迎侍將行擇庚寅本命之辰列歲  
運諸星之位即衡門而設供延淨侶以陳誠伏  
願上帝來歆衆靈就列居者行者悉除無妄之

災緩之成之用保無窮之祐

疏意

右伏以慈母年高願保壽康之吉闔門累衆欲  
祈長幼之安望天鑒之昭臨俾愚誠之上達家  
室遂團藥之樂川塗無跋履之虞九與禱祠悉  
蒙孚祐

丁巳本命醮青詞

晚境投閑已銜洪造屏居多病敢叩皇慈伏念  
臣某賦分數竒叨榮已甚深有滿盈之懼亟爲  
退避之謀歸已四年猶竊太倉之粟身無一事  
尚聯內閣之班念尸素之過優致災屯之不貸  
四肢而三痛楚十日而九呻吟而況老母年高  
弱妻氣劣併課照臨之星位敢伸襁謝之真科  
近就東偏稍營旁舍恐神祇之驚犯致家室之  
未寧恭願高靈俯歆菲供光威來被頓銷疾病  
之憂道蔭所加永保和平之福

疏右語

聖常善於救人在真經而具載福莫長於無禍  
實平日之夙心歸處家庭久饗祠祿本無他望  
敢瀆高真正爲多災願祈景貺

東樓畢工醮謝青詞

得寵踰涯莫效君恩之報卜居歸老仰憑道蔭  
之加伏念臣某繫汗朝紳晚塵禁橐奉太平之  
香火若將終焉掛神武之衣冠不翅足矣昨營  
陋室實倚先廬敢圖召節之班寢歷政塗之峻  
以比歲金縉之賜增前時土木之工幸遂告成  
未容得謝深慮興修之際或干禁忌之方爰啓  
醮筵以安神位所冀一門之安隱先令二子以  
禮禳伏願上聖俯臨嘉祥來集始有曰少有曰  
止期苟合以苟全歌於斯聚於斯是爲善頌而  
善禱更祈貺施早賜歸休

政府禳火青詞

比驚鄰火深懼延燔亟發願心尋欣按堵爰啓  
醮筵之肅永祈道蔭之加伏念臣某老旣投閒  
晚叨參預固已非夢寐所及豈謂閱歲時之深  
日不遑安自知福過乃仲春餘閏之始有正晝  
鬱攸之災駭騰焰之方興亟叩頭而致禱旣蒙  
大造用擇良辰即私第以陳儀集羽流而蕝事  
恭願高靈垂祐景福來臻老幼粗安早遂歸休  
之志邇遐無間俱成覆露之恩



保安醮青詞

代魏丞相

微疴有感致祠禱於高真靈芘所加還精神於  
舊觀敢尋前請以答初心伏念臣某蒲柳早衰  
桑榆浸逼旣慙得寵之踰分且昧衛生之有經  
頃冒外邪嘗嬰寒疾人以食爲命或併日而一  
食母惟疾之憂乃終夜而十起徧嘗苦口之藥  
莫遇折肱之醫痛則呼天獨蒙神祐齋而事帝  
敢屈真遊伏願寶馭下臨僊官就列鑒獻芹之  
至意歆酌水之微誠四序暄涼祈免陰陽之寇  
闔門老幼永同飽暖之歡

又

傾投霄極荷靈貺之無私祇被戶庭俟真游之  
來下敢修薄供用答初心伏念臣某稟性背時  
爲貧漫仕分役心於州縣徒竊食於斗升而乃  
歷禁路之清班參公朝之幾政重祿靡太官之  
聚闔門安潭府之居福量旣盈人道所惡鬱蒸  
在候寢興無妄之災老穉訪醫莫逢勿藥之喜  
爰痛懲於小已潛請命於穹旻道蔭所臨病魔  
良已恭按冲科之秘少陳昭報之誠恭願奉寶  
馭於清都鑒微臣之丹悃苟庭闈暮境得安甘

毳之歡而寒暑四時皆免陰陽之寇在臣爲幸  
過此何求

下元設保安醮青詞 以下代仲舅

齋戒以事帝每荷神休疾痛必呼天復蒙道蔭  
爰廣真科之祕仰酬洪造之恩伏念臣某涉世  
甚艱受生多病夙傾依於大道用保佑於此身  
每逢弧矢之辰必設香花之供屬當秋季弱妻  
忽苦於外瘍爰竭誠心清醮仍加於比歲惟下  
元之紀節即私室以陳儀伏願天仗來臨僊官  
就列坐令孤迹消歲時無妄之災更俾闔門託  
天地不言之德

奉使回程醮謝青詞

將命鄰邦懼愆使指投誠上帝果辱神休茲咸  
遂於生還顧敢忘於昭報伏念臣某等頃持漢  
節遠聘燕山上下六十二人往還七千餘里輪  
仆馬敗日有顛隳之憂寒窮歲殫人懷鞞瘞之  
苦荷圓穹之庇覆賴中國之威靈竣事而歸交  
口相賀是用即琳宮而陳薦按琅笈以宣儀伏  
願天仗來臨僊官就列歆此日蘋蘩之供佑兩  
朝金石之盟允與禱祈咸均福祉

森秀菴畢工醮謝青詞

頃歲悼亡因作首丘之計一朝竣事敢忘薦藻  
之誠既不負於初心尚有祈於洪覆伏念某比  
遭伉儷之戚適當行役之餘僅返故山徑謀吉  
卜悵流離之三載喜辛苦而一歸爰鳩衆工以  
奉窀穸斧斤空集不無神物之震驚畚鍤交馳  
或犯陰陽之拘忌今則新阡既就喪制告終會  
微臣本命之辰演寂士冲科之祕恭願屈臨真  
馭拔濟幽靈俾託體於山阿獲游神於帝所更  
憑道蔭加惠孤蹤

仲舅九幽青詞

代表弟

陟岵纏悲不勝楚痛叩闕請命仰冀矜哀伏念  
臣父具位臣某生幸逢辰心常奉道顧出藩入  
從之久惟濟人利物之圖仁及親姻義周鄉黨  
雖居閑自適遂掛衣冠而歸然既壽且康屢膺  
綸綍之寵在人情或謂無憾於子道豈云有終  
病已至於向安變俄生於不測禮禴靡及藥石  
難施弗圖瞬息之間遽隔幽冥之異攀號罔極  
罪罰何堪念九九之年曾莫逃於定數當七七  
之日用恭演於真科爰仗勝因以資冥路恭願

高靈來下衷悃潛通六道四生賴法力咸蒙於  
煉度三清十極俾先臣得遂於逍遙凡預禱祈  
均霑福利

禱旱青詞

以下代永嘉守

上天至仁偶有陰陽之盭下土無告爰伸疾痛  
之呼伏念微臣來官支郡僅更月琯已告旱災  
謂書生竒蹇之宜然自當順受謂吏政拙踈之  
致此民則何辜自深焦槁之憂備舉禱祠之典  
神靈咸格雖粗獲於幽通天聽未回恐難逃於  
常數是用拜章真宇請命皇穹恭願歆蘋蘩之  
誠閔稼穡之寶雲駟風馬盡從列聖之游電熾  
雷車驅起四山之雨少救民生之急終令歲事  
之成

疏意

伏以仲夏以來亢陽爲害下田近水尚殫灌溉  
之勞高隴依山坐見禾苗之瘁如江塗之種藝  
若海氣之薰蒸農功欲就而可憂雨意垂成而  
輒止赫日益增於焦槁炎風時肆於飄颺又虞  
邑屋之居或有火災之變禱祠未效震懼靡容  
惟仰叩於九閻庶少蘇於千里尚期洪造俯念

疲民大旱爲霖洗鑠石流金之虐豐年多黍見  
崇墉比櫛之餘

謝雨青詞

驕陽爲虐方懷赤地之憂甘雨應祈實藉皇天  
之賜敢陳菲供仰答初心重念海邦夙蒙道蔭  
斗柄外指久安城郭之居華蓋橫陳深閔山川  
之秀在東南爲全盛之地故民物多滿盈之災  
年方賴於屢豐早忽驚於已甚嘗憑寂士恭禱  
靈湫沛爲三日之膏霖盡起四郊之嘉穀爰依  
琳宇敬演瓊科上以酬莫報之恩下以成將來  
之福恭願九霄降鑒八表會同蠲愚俗之愆尤  
洗陰陽之繆盪自今以始咸與爲新千倉萬箱  
遂有農夫之慶五風十雨永儲鄉國之休

人日設醮青詞

春陽伊始欣品彙之咸亨天聽不違冀忱衷之  
可達眷惟茲土素號名城止緣累歲之災傷浸  
有陋邦之氣象微臣假守道蔭曲加曰雨曰暘  
禱而必應多黍多稌幸此少康然念方蟄而雷  
恐陰陽之未順歷冬不雪慮疫癘之或生茲改  
王正迺涓人日即黃堂而展事按玉笈以陳儀

用徼福於斯民以祈祥於新歲伏願璇霄夙駕  
瓊侶來游回千里之和風掃頻年之沴氣人情  
安泰永消愁恨歎息之聲農事順成無有水溢  
旱乾之苦

疏意

伏惟比年以來此邦多故飢饉疾疫民用弗堪  
旱潦火風人實無告雖幸去冬之安靜莫知新  
歲之豐凶況寒暄不齊憂氣序之非正而愁嘆  
未免慮陰陽之或乖先事而祈于今敢後是用  
汎嚴公宇祗集道流卜今月上七丙子之辰設  
醮一百二十分位伏願歆蘋蘩蕝藻之薦鑒齋  
戒沐浴之誠赦愚俗之往愆回海隅之叶氣麥  
禾充廩田里息肩九預禱祈咸臻康樂

禱禳風潮青詞

風烈必變亟叩元真天聽不違遽彰妙感惟茲  
阻山帶江之地間有折木發屋之災千里病之  
一紀于此春而先卜既飛雪之有祥秋以爲期  
果狂飈之大震暴亦幾於厯石飄不止於終朝  
仰憑道蔭之加遂息人心之恐迨望日月盈之  
候寔比年潮溢之時海戶傷弓或作登山之避

三十一  
女媧文集卷之八十一  
青詞一  
十一  
音二卷

農夫釋耒居有偃禾之憂帖然不驚坐以無事  
是用汎嚴邃宇敬演沖科固知大造之難酬尚  
冀高靈之下墮庶令罷俗咸戴洪休萬戶千門  
俾人人而康樂五風十雨期歲歲以豐登

郡治禳火青詞

代天台守

叩頭反火事豈由人仰首呼天言猶在耳因舊  
尹告新之政報上蒼救物之私伏念臣某庸陋  
無堪拙誠自信比膺臨遣來試蕃宣惟吏道之  
未閑賴神靈之有助春耕伊始當憂國以願豐  
夕惕不遑思爲民而祈福自去載揀焚之際念

下四

天龍下生去六六五八

三十一

一

一

六

衆人奔命之疲默禱方勤延燔遽息顧交符而  
至此豈薦藻之敢忘爰即琳宮敬宣瓊蘊恭願  
高真歆鑒大道矜慈年穀順成喜見曾孫之稼  
閭閻寧處永消回祿之災凡厥有生咸資善利

叔祖母九幽青詞

代二叔

陟屺纏悲莫贖終天之痛叩闈致禱庶寬長夜  
之思伏念臣母某人久處人寰傾依道蔭方當  
生前無恙之日預爲身後至深之謀雖一旦音  
容之遽亡而頃年錄簡之猶在爰因齋祭恭設  
醮筵儼萬象以森羅振九原之幽滯母氏聖善

杯捲之澤如存天鑒高明胖蠻之通不遠伏願  
星官下墮雲馭來臨受煉朝真默想慈顏之超  
度垂休錫羨敢爲嗣子之私圖稽首祈哀叩心  
請命

杜氏從姑保安醮青詞

客路驚憂屢投洪造嫠居孤藐敢負初心伏念  
臣妾生則多艱晚方有託良人分薄十餘年甘  
苦之同末宦途窮二千里馳驅之役還鄉未及  
感疾已深加稚女之沾危重寸心之震惕俱嘗  
請命賴以到家弛檐云初蓋棺遂已追痛卧痾  
綿憊之際猶勤禮斗依歸之心方旅櫬之旣安  
亦寓居之粗定併陳二醮仍薦九幽上以資厚  
夜之超昇下以祈闔門之安穩恭願歆蘋蘩之  
菲供鑿螻蟻之微誠拔濟沉寃遂徑躋於真境  
保全數口期粗適於餘生

景孟舅奉使還醮謝青詞

璇極九重敢必忱衷之達輶車萬里卒蒙道蔭  
之餘爰答初心虔修淨供臣等敬將王命遠使  
虜庭奔走風埃顧豈辭於艱險馳驅原隰亦深  
懼於顛隳逮此改轅苟無乏事旣遂生還之幸



敢忘昭報之誠伏願天馭下臨星宮就次歆此  
日蘋蘩之供佑兩朝金石之盟九與禱祠咸膺  
福祉

九幽青詞 代表弟

自古有死獨我父之痛深謂天蓋高惟誠心之  
應速敢傾哀訴仰叩上真伏念臣父某生無母  
慈長有家難羈單萬狀流落幾年特抗志之不  
九期奮身而有立一入太學蚤遂橫翔三仕中  
都率非善去王陽自奉天下徒怪其奢孟軻能  
言外人皆稱其好疾惡不避賈憎寢多退雖無

三十九

女魁下卷之三十一

十一

一四

一五

以自存後或可以他望禍生所忽疾祕不明初  
驚食指之傷遽徹右肱之慘英爽蓋棺而遂已  
今竟何之孤嫠瀝血以長號悔將焉及追念生  
前之素願敢遺身後之食言事至再三時更終  
七爰併脩於淨醮用專薦於幽途恭願昭鑒忱  
衷俯聆冤呼將使怨家詛語蒙法力以銷除口  
過身非遇天恩而蕩滌徑超冥漠永得逍遙尚  
令苦塊之餘免擠溝壑之苦

季舅九幽青詞

無父何怙莫酬生育之恩謂天蓋高敢控哀祈

之懶伏念臣父具位某稟資踈直奉職公廉宦  
游備歷於艱勤家食弗營於生業晚猶未裕幸  
分溢浦之麾命實向衰幾卧漳濱之疾僅更十  
月之久曾靡一朝之安以法令而爲師粗知無  
媿飾厨傳而稱客誠有不能讒箭旣行禍機隨  
發豈期歸路遽訣終天闔門徒切於攀號旅襯  
屢遭於阻滯甫到家之浹日驚卒哭之在辰依  
道教以追修同母親而附度按黃籙垂科之典  
求朱陵受鍊之功恭願洞鑒哀衷俯歆淨供拔  
冥途之幽趣蕩宿世之徃愆仰覲慈親俱逍遙  
於真境更敷善利廣霑勾於羣生

疏右語

太上慈仁垂金闕度生之籍真科深妙著玉匱  
盟真之文拔濟羣迷悉超苦趣茲延寂士仰會  
高靈幸醮式之告圓諒孝誠之昭格願考妣俱  
蒙於煉度庶雲霄各遂於超昇仰謝天恩少伸  
子道

馬氏建黃籙醮青詞

太上垂慈著金闕度生之籍下臣請命陳玉匱  
盟真之科竭螻蟻之微誠脩蘋蘩之淨供仰祈

洪造俯照丹衷伏念臣痛念慈親嘗伸素願言  
猶在耳遽纏風木之悲孝欲寧神忍視柩園之  
澤遂同羣從俱發信心延寂士以合謀按靈文  
而蕝事棟宇器用則深圖蠲潔威儀符簡則務  
極精嚴闡教於九九篇道德之言建壇於七七  
日晝夜之久用以荅揚先志哀對上靈大開受  
煉之門廣濟含生之衆近則闔族親姻之黨施  
及同時附度之人或飢饉疾疫而致無辜或水  
火天橫而沉苦趣雖由宿業咸遇大齋洗滌罪  
愆超登清淨予以資母氏飛昇之薦予以明道  
道四生賜之更始照臨所暨福利惟均

城中禳火青詞

救焚既定尚懷扇赫之虞請禱實繁盍舉振除  
之禮敢躬祈於帝所庶永息於天災言念此邦  
久無異變比有融風之甚遽遭譌火之驚烈焰  
長煙恍若雲蜺之起連夢接棟忽爲瓦礫之餘  
豈惟戶駭而人哀真是神焦而鬼爛憂惶前所

未有叫號幾不忍聞雖一時幸免於歟隨而萬  
衆未忘於夢愕眷鄭國曾禳於回祿况宋人亦  
祀於盤庚爰集羽流大開瓊笈即二亭之宏敞  
盡五日之精專恭願天鑒斯臨僊班就列斤炎  
官之熱屬毋使復然驅南海之幽形亟令遠伏  
保公私而俱泰撫凋瘵以圖全凡與禱祠悉蒙  
祉福

疏右語

大道無私物常善救凡民有欲天其必從矧茲  
襮禴之修祈免鬱攸之孽冲科既演景貺旋臻  
願銷譖譖公公之祥永息燄燄炎炎之害仰資  
法力益奠民生

從子伯時九幽青詞代諸子

無父何怙莫酬罔極之恩謂天蓋高敢叩難謀  
之造欲伸駒犢之慕輒效蘋蘩之羞伏念臣父  
某賦性謙恭居家孝友律身而事無過舉沒齒  
而人不間言矧官業之素優宦途之可望寢  
嬰沉痾遂棄諸孤歷數平生疑無媿怍尚虞宿  
障未測升沉有叔弟以先亾亦慈懷之所痛敢  
因卒哭併預追修願列聖之垂慈俾靈寃之受

鍊三清聖境陪僊馭以逍遙六趣群生盡冥途  
而超度

攻媿先生文集卷第八十

無父何怙莫酬罔極之恩謂天言焉敢叩難堪  
之造欲伸肺腑之慕無效於斯之若伏念臣父  
女歟夫主文集卷第八十身之內無遺棄未竟  
而人不問言好官業之素任也途之可望寢  
與河猶遂棄諸孤歷數年之無堪竹尚虞宿  
而跌與亦沉有叔弟以死於此亦悲懷之所痛敢  
趁三肅聖節部野以爲數遊六賦撰主盡冥命

玫瑰先生文集卷第八十一

四明樓 鑰大防

疏文

高宗皇帝小祥疏文 温州江心寺

慈極僊遊莫贖號弓之痛中川法窟嘗經鳴蹕  
之餘時屆小祥福宜專享眷炎祚中興之始為  
永嘉南渡之行遵海而南以濟大業沂江而上  
首幸此山亂流孤嶼之林巒御榻今存於嵒嶮  
浴光清輝之扁榜雲章猶仰於昭回合二刹以  
增崇冠一方而獨盛自龍樓之晏起驚駒隙之

玫瑰先生集卷八十一

疏文一

方臣

屢遷萬歲爭呼尚想奉卮之樂千秋已後豈忘  
過沛之思戴睿德以難酬叩帝闈而有請敬尋  
光孝之典故乞奉 永思之道場旋拜俞音虔  
修妙果當新穀既升之日乃練衣初御之時爰  
率官僚聿遵禮制 高宗聖神武文憲孝皇帝  
恭願位超佛祖供極人天萬國歸仁尚何資於  
梵力一人有慶祈永祐於皇圖

高宗皇帝大祥疏文 同郎官

三載四海甫畢於堯喪萬歲千秋方深於舜慕  
爰率祗園之衆少伸郎吏之誠 高宗聖神武

文憲孝皇帝恭願位冠覺皇神超淨土追參  
列聖咸仰在天之靈眷佑 三宮益衍無疆之  
祉

成肅皇后小祥疏文

長樂上賓時適經於練祭周行追感爰肅叩於  
梵宮 成肅皇后伏願覺性長存神游無尋仰  
惟文母永配在天之靈垂佑湯孫益縣卜世之  
慶

重明節功德疏四首

仰壽康之宮禮當震夙之日

想聞萬

祈戩穀 太

上皇帝下恭願怡神於物之初娛侍兩

宮時覩奉卮之樂坐觀萬乘日承問寢之歡

龍樓上壽莫陪百辟之班象教祈年敢獻三呼

之祝 聖安壽仁太上皇帝陛下恭願奉兩宮

之養均萬國之歡 聖子承顏長見玉卮之樂

昊穹薦祉益綿寶曆之期

龍樓上壽想聞萬歲之聲鳳趨來朝覃及八荒

之域敢修梵唄仰祝皇齡 聖安壽仁太上皇

帝陛下恭願祇奉兩宮坐參太極泮奐游矣闕

天長地久之期福履綏之見日居月諸之永  
慈宸上壽將嚴五日之朝寰宇投誠預獻萬年  
之祝敢消梵刹用啓鴻因 聖安壽仁太上皇  
帝陛下恭願玩道穆清頤神怡澹皇穹垂祐坐  
聞嵩嶽之呼 聖子承顏歲舉漢卮之禮

瑞慶節功德疏五首

聰明時又實維有道之長瑞慶大來用紀誕彌  
之節集祇園之淨衆比華嶽之封人 皇帝陛  
下恭願如日方升與天同久奉三宮之寶冊旣  
舉縟儀上萬壽之玉卮願觀盛事

占繞電之祥適當良月採磨崖之頌用表嘉名  
爰傾就日之誠仰祝後天之筭 皇帝陛下恭  
願鴻圖有永聖德又新孝治興隆奉三宮之色  
養皇恩溥洽得萬國之驩心

虹流電繞適觀載震之祥地闢天開用紀中興  
之瑞爰憑象教仰贊鴻禧 皇帝陛下恭願如  
日方升與親同壽坐乘昌運益綿寶曆之延洪  
仰悅慈顏長奉玉卮之笑樂

嚮明而治坐凝久大之勳如日之升敢貢延洪  
之祝式憑緇侶仰白紺容 皇帝陛下恭願德



冠百王愛形四海闡風崑苑益綿箕翼之期桂  
海冰天咸被衣裳之化

九五福曰壽仰祈天子之年三千臣一心俱上  
笠乾之禱 皇帝陛下恭願規恢大業鞏固不  
圖日就月將益懋緝熙之聖學天長地久允符  
博大之真人

天申節功德疏四首 並代作

東宮

尊處龍樓備極崇高之奉祥開虹渚適當震夙  
之辰浣貝葉以輸誠罄海隅而同意臣叨居世  
嫡尤劇懽悰 皇帝陛下恭願如日之升後天  
而老顯文謨承武烈茲綿寶曆之期億舜日萬  
堯年永上玉卮之壽

太子妃

黃屋非心獨儷尊於太極赤光紀瑞當誕育之  
嘉辰敬修婦道之恭式効封人之祝 皇帝陛  
下恭願游神淵默玩道希夷得壽得名益侈龍  
樓之養卜年卜曆坐綿鳳曆之期

宗正司

為天下君尊歸於父願聖人壽情見乎辭喜逢

電繞之辰敢後嵩呼之祝俯伸誠悃恭叩高真

佛云上乘

皇帝陛下恭願與道長存後天難老九五

福曰富曰壽其永無疆八千歲為春為秋自今

以始

九州四海常瞻太極之尊  
五日一朝永享未央之樂

### 温州守

備九州之養於昭授舜之明得四表之驩咸紀

生商之慶仰憑梵力

道云道陰

恭祝皇齡

光堯壽聖

憲天體道太上皇帝恭願筭等南箕尊同太極

上千萬歲之壽永觀漢殿之稱觴卜七百年之

期坐見周家之過曆

### 放生疏文

虹流于渚稱聖壽於漢卮魚躍于淵樂恩波於

文沼用廣好生之德益儲滋至之休

光堯壽

聖憲天體道太上皇帝恭願福祉川增珍祥鱗

萃洋洋圉圉共陶在藻之歡蕩蕩巍巍均仰如

天之覆

### 會慶節功德疏三首

應龍啓漢協千載之休符瑞乙生商紀一王之

令節命羽士緇流之衆誦琅函貝葉之文爰集

勝因用申虔祝恭願

皇帝陛下筭齊箕翼德

並乾坤五日一朝永奉慈闈之樂九州四海咸  
歸壽域之中

乃聖乃神仰離明之繼照載震載夙當良月之  
就盈演元始之真科祝無疆之睿筭 皇帝陛  
下恭願緝熙純嘏保合大和五日一朝長奉至  
卮之壽三呼萬歲允符金簡之書

重華協帝邁前古之未聞立子生商宜後天而  
不老恭憑妙梵以効愚誠 皇帝陛下福祿日  
來聰明時又子又生孫孫又生子符三代有道  
之長春而後秋秋而後春享五帝獨高之壽

放生疏文

願一人之壽如岡陵而不騫均萬國之驩暨魚  
鱉而咸若恭願 皇帝陛下福祥鱗萃德澤川  
流躍魚入于王舟會有興隆之瑞餘龜放于歧  
沼坐還忠厚之風

皇后生辰功德疏三首

東宮

仰蘭闈之貴尊處長秋占玉勝之祥適臨端月  
虔修子職爰演真科恭願 皇后殿下福與川  
增壽同地久宣太妙二南之化益高正始之風

奉 上皇萬歲之觴永助未央之燕

太子妃

丹禁騰驩喜逢穀旦紫光紀瑞適屆陽春祈仰  
報於姑慈用歸誠於梵力恭惟 皇后殿下端  
居坤極永贊乾剛歌如山如阜之詩敢祝聖人  
之壽占維熊維羆之夢願多男子之祥

皇孫

椒房啓慶方占夢月之祥琅笈輸誠少荅含飴  
之愛恭願 皇后殿下化行江漢福厚岡陵鸞  
輅問安陪五日一朝之禮翟衣贊治奉千秋萬  
歲之歡

皇孫生辰功德疏

英姿日茂多福川增甲觀畫堂方厚命名之愛  
未央前殿永陪上壽之歡

金山寺水陸疏文

代仲舅奉使回

肅將明命餞使客以言旋冒涉巨川望邊疆而  
甚邇寧知末路乃值險塗同舟遇風波竊疚心  
於國事大水吹船舫亦委命於濤神望慈蔭於  
寶坊寓精誠於爐篆敢圖昭格訖賴護持悠悠  
旆旌咸登彼岸湯湯淮水復作安流爰傾行者

之裹囊用設伊蒲之香供伏願龍宮示現象馭  
監臨六道四生共脫沉淪之苦兩朝萬姓永安  
休息之時

普覺觀音祈謝疏文 温州教授

祈雨六首

圓通大士示現無方普覺道場効靈尤速惟我  
家之三葉蒙慈蔭者百年試郡之初亢陽已告  
驚河流之頓涸念稽事之可憂爰致禱祈用求  
潤澤春霖太甚固知氣數之必然法雨均霑正  
藉神通之無導

荒政雖行曾莫蘇於凋瘵時暘未若顧敢後於  
祈禳重念此邦久無樂歲麥秋已及道殣寔繁  
雖耒耜之耕罔敢弗勤而雲霓之望莫急於此  
儻乖十日之雨必害三時之農爰稽首以求哀  
恐噬臍之無及伏望俯憐疲俗久困旱災一之  
其可再乎願副老農之懇請雨自上下者也少  
施大士之威神

連月不雨雖農隙而可憂半冬未寒抑天時之  
弗順河流斷溜場圃揚塵豈惟豐隆之不靈或  
恐祝融之爲孽圓通大士矜閔衆生爰竭丹誠

來伸精禱密雲久合尚祈破塊之滋法雨均霑  
願霈隨車之澤

歲苦大旱致禱已煩秋書再雩爲害彌甚泉原  
涸竭植物焦枯鄰有火災日恐焚廬之變詔增  
麩種曾無破塊之濡顧農事之至斯比夏畦而  
尤病仰祈佛力俯念民生沛三日之膏霖回四  
郊之和氣庶幾疲俗終藉洪休

靈雨旣零方喜霑濡之惠秋陽以暴又懷早曠  
之憂顧斯民咸冀於小康捨大士則幾於無告  
罄一心而有禱顧再瀆之何辭伏願俯矜歲事  
之餘深抑驕陽之暴大旱用作霖雨俾千里之  
豐登煩暑變成清涼救群生之焦槁

頃祈甘澤幸消旱魃之災茲復亢陽又有夏畦  
之病驚泉源之頓涸惜農事之垂成非大士以  
疇依爲衆生而致禱伏願慈雲密布法雨普霑  
不徒慰邦人焦槁之心抑以見佛力始終之賜

迎請遶城行道祈雨

早曠爲災懼農功之盡廢禱祈未効惟佛力之  
可憑雖殫懇請之誠尚闕尊崇之禮是敢再邀  
法馭端處公堂瑞像所臨彈壓里閭之沴氣威

神益振指呼江海之明靈願四郊甘雨之傾救  
千里良苗之槁

謝雨四首

大士之應諸方有求必遂百穀之仰膏雨致禱  
尤勤比因耒耜之興咸劇雲霓之望肅祇精舍  
仰叩真乘或耘或耔方冀千倉之積旣優旣渥  
浸成三日之霖茲反靈游再陳淨供願施威神  
力俾雨暘時若於今秋得書大有年度疲瘵少  
蘇於此土

歲事旣閑猶有旱乾之禱佛慈悲善應遽蒙優渥  
之私陰雲潛助於寒威甘雨廣霑於迥野孤荻  
凍拚漸覺昭蘇旨蓄來牟悉資膏潤仰神通之  
無導有美利而不言旣知所來何敢忘報

陽驕蹇而致旱四境懷憂佛慈悲而救人一朝  
蒙潤公私普及田里咸蘇不風不雷真是如來  
之法雨若遠若近益知大士之靈威將法馭以  
言歸展謝誠而敢後第以春嘗飛雪深懼秋風  
海有妖氛慮生颶母冀神通之加護保豐稔於  
垂成允厥有生誓殫勤嚮

晚田就槁固惟膏潤之求多稼已登又恐霖霖

之害欲伸祈禱未免遲回迫於萬衆之渴心致  
此一時之精禱敢期大士曲借殊私雲上於天  
已起稻梁之生意雨必以夜不妨場圃之農功  
殆終刈獲之勤始霈霽霓之澤從人所欲若自  
爲謀爰修報謝之誠益謹歸依之志尚祈後惠  
用迄康年

祈晴三首

多稼在田天忽作於淫雨積陰成沴海必多於  
大風惟此邦凋瘵之餘生倚大士神通而爲命  
凡水溢旱乾之禱如形聲影響之從將告歲功  
又窘陰雨人心恟懼田里怨咨三日爲霖儻濯  
枝而未已大塊噫氣將發屋之是憂伏願哀憫  
衆生扶持稔歲降澍應時而消散黑風不致於  
吹飄庶憑佛力之神以沆農夫之慶

土膏初起固惟甘雨之求陰沴日繁慮作良農  
之害嘉種不容於萌蘖平疇悉苦於浸淫老穉  
號寒里閭告病春潦必夏旱恐激成後日之災  
東作則西成尤懼厄三時之始仰祈大士哀憫  
衆生掃除屏翳之妖開導羲和之馭坐令四野  
咸樂深耕



雨澤過多農末皆病雖陰霾之已散尚蒸溽之  
未清重以三日之霖必爲千里之害欲伸控禱  
須仗慈悲伏願斤逐雨師驅除屏翳起四郊之  
昏墊俾萬物以昭蘇

謝晴二首

豐年可望忽驚秋雨之霖霽誠禱纔通已見陰  
雲之解駁斯民交喜如佛現前坐令吏責之少  
寬益仰法慈之無旱苗則興矣變和氣於郊原  
陽以暴之了農功於銍艾顧感通之甚著誓歸  
嚮以無忘

三五 文選卷之六十一 疏文一 十一 三三

雨師作孽咸苦墊昏佛力應時沆成開霽初喜  
陰雨之頓解獨憂冷氣之猶存儻亟陳報謝之  
私亦可示禱祠之驗然而人心不厭何敢自欺  
神賜未終豈容但已洎再伸於忱悃始大遂於  
初心爰率賓寮歸依梵宇萌芽甲拆已陶風日  
之和秋歛夏耘更賴雨暘之若

開元寺迎請祈雨

旱魃爲妖涉夏秋而未艾祝融示警憂暮夜之  
或驚比連夕煖然而似春冀一旦沛然而下雨  
纔冥濛於少頃復開霽以如初民生不聊吏責

難道是用祇迎瑞相循行屢居易巨剎以薰修  
慰衆生之瞻禱伏願命雨師而灑道驅回祿以  
銷威使千里望霓之人快三日濯枝之澤益彰  
感格用謹歸依

### 祈雨雪

凋郡仰慈悲之蔭迄用康年隆冬爲春夏之祈  
以興嗣歲同雲未作甘澤亦愆隴麥鬱而不伸  
河流咽而欲涸人心方渴又如望大旱之霓農  
事雖閑且將卜來歲之稼伏願寒風交積微霰  
先零降雨而無浸灌之勞雨雪而有霽霖之益  
坐令焦槁咸遂昭蘇

玫瑰文集卷第十一

疏之二

十一

東影

### 謝雨雪

爐煙飄篆方展於精祈山雨隨車已彰於妙感  
飛翼間舞寒氣頓回雪不封條但欲表豐年之  
瑞雨必以夜尤足見太平之期旣慰人心敢忘  
佛力歲云暮矣更求三白之祥天實爲之用滿  
一方之意

### 祈禳颶風

隨感而應久依大士之靈先事而祈欲保有秋  
之慶竊以颶風爲害累載而然瀕海被傷此邦

特甚餓莩尚嗟於填壑驚心猶懼於傷弓幸茲  
時雨而時暘方冀多稔而多黍占風有候或云  
春雪以爲期去秋匪遙大恐暑雨之爲兆亟投  
慈造預弭巨災伏願俯鑒忱誠曲憐凋瘵指麾  
海若俾無發屋之虞彈壓飛廉不復鳴條之警  
庶乎大稔濟此垂成

海神廟禳風供斛疏文

佛慈無礙凡有感而必通歲事將成敢先期而  
致禱惟此東嘉之千里困於丙戌之一風千疇  
鞠草野之墟萬衆葬江魚之腹積有冤滯上好

三三

文魁下集小卷卷八十一

疏八十一

一四

卷八十一

陰陽未蘇累歲之餘殃重以去年之甚旱飢羸  
轉壑疫癘盈門幸災數之已窮喜農功之在望  
然而人心易恐里語相傳謂飛雪再見於初春  
計颶母或生於今日微風偃草已懷拔木之憂  
多稼在田未保登場之慶爲之吏者其敢安乎  
是用恭即靈祠虔修釋教設冥陽之法食建嚴  
淨之道場伏願諸佛證明萬靈歆鑒飽餒竟於  
清供拔滯魄於幽途風伯收威無萬竅怒號之  
恐海神助順信兩潮來往之期濟此豐登同生  
歡喜

郡治祈雨供斛疏文

一水一旱固知定數之難逃三沐三薰尚賴覺  
慈之可告竊以天災代有所在皆然歲事屢愆  
此方特甚丙戌溢海之變死者不知其幾人壬  
午颶風以來今則已周於一紀創痍未復早曠  
旋臻方良苗之在田乃經月而不雨連蔓病暵  
大澤揚塵深慙郡政之不修抑恐民風之能致  
物命至重烹庖下及於細微人道惡盈服用日  
崇於浮侈骨肉鬻訟悖我彝倫里閭穢言甚於  
評語積有妖沴上干太和不然鄰境之應祈何

爲後我況已四郊之蒙潤獨未入郭旣靡神而  
不宗亦閉閣而自責廣延聖侶列處公堂慮僧  
衆之弗虔柬求戒潔懼庖厨之不謹別供伊蒲  
有老比丘發大誓願爲衆生而請命消望日以  
陳儀雖膏澤之漸通仍初心之不負設無遮清  
淨之法食誦甚深微妙之密言伏願諸佛證明  
萬靈孚應愚民俗業隨懺悔以銷除厚夜幽鬼  
感馨香而飽蒲丸刀砧鼎鑊無辜之物與飢饉  
疾疫非命之流悉仗勝緣咸超惡趣洗滌滯澆  
之氣扇揚和暢之風豈徒三日爲霖得遂如抵

如京之穡庶幾千里有衆永爲樂郊樂土之民  
淨光祖佛謝雨疏文

永嘉禪機不勞一宿曹谿滴水遍滿大千頃深  
早曠之憂備舉祈禳之典禮真身於公宇彰妙  
感於海邦雨師潤物以爲均風伯收威而退聽  
爰飭稻田衣之舊用還宰堵波之居願安故山  
永福茲土

送蒲杓潭聖水供斛疏文

甘雨旣多已彰神賜靈泉欲返爰答願心竊惟  
變通雖在於龍神佑助亦憑於佛力讀四句之

二十六

文苑文萃卷八十一

疏文一

一

馬祖

法印咸謹受持值一縷之皂衣得安恐怖頃致  
早乾之禱未蒙膏潤之休遣信士以啓行許勝  
緣而有請果垂應感可保豐穰雖衆水之旣歸  
貯一壺而獨後虔修法供上報陰功伏願三界  
居歆十方均足受茲善利益資潛躍之神施此  
餘休長使雨暘之若

普覺寺禳風祈雨水陸疏文

方數千里之旱爲害固多自七八月之間至今  
禾已眷茲海郡屢有天災雖今歲亢陽不若他  
邦之已甚而積年重困益令疲俗之難堪斤鹵

之地已無可爲沮洳之郊亦復告病哀哉野老  
望此晚禾風又困之苗無秀者况復火驚輒止  
猶恐朝暮之不虞麥種難施且憂春夏之無繼  
頃求大士曾發願心爰即寶坊恭修淨供伏願  
萬靈響答諸佛鑑知冥陽歆無礙之齋羞郊野  
蕩有生之沴氣慈雲法雨來蘇焦槁之餘旱魃  
火神屏逐要荒之外尚祈妙利普及含靈

海神廟禳風祈雨水陸疏文

田祖告功正資三日之雨飛廉作孽忽具四方  
之風恐懼弗勝祈禳方謹遽消拔木之暴還作  
鳴條之和敢即靈祠恭陳法食謝天地鬼神之  
大賜廣冥陽水陸之鴻因尚憑佛慈俯徇人欲  
收召和氣洗旱魃之餘妖霈作秋霖慰農夫之  
渴望

獄空道場疏文三首

新漢代之章程務令易避驗周邦之因罔果見  
屢空樂吾民畏法之心體 聖上好生之德雖  
一旦喜清於淹繫恐積年未免於滯寃消擇剛  
辰汛除園土易痛呼於梵唱變苦海爲道場仰  
諸佛之慈悲憫衆生之愚暗蠲宿愆於已往悉

與爲新開障業於將來庶幾不犯  
獄繫俱空賴覺皇之明證緇流皆集喜妙果之  
圓成爰率具僚載祇故事更假慈航之濟永除  
罪罟之虞同千里之風期有司之不犯尚一人  
之慶庶比屋之可封

繫囚相踵十年不見於囹空聖澤旁流一旦喜  
聞於刑措掃除狴犴洗滌桁楊集淨侶以咸來  
建道場而致潔梵音所發盡超瘦死之冤佛會  
告圓無復沈寃之氣願終憑於妙果遂永濟於  
九夫上符盛世之好生下使斯民之遷善

城中禳火道場疏文二首

鄮山甬水素號樂邦回祿祝融忽爲妖孽延燔  
良久被害殊深風烈焱馳掃比屋百家之市灰  
飛煙滅失浮屠千尺之尖萬衆驚號一城震動  
幸救焚之甚至遂反火以無他然而末俗訛傳  
連朝小警恐天災之未殄非人力之可爲願集  
衆緣共圖勝事招緇黃之淨侶建晝夜之道場  
廣設幡幢周行闡闡願見聞之喜捨庶襍禮之  
立成太陰施威無復黔廬赭垣之患畢方旣逐  
共爲曲突徙薪之謀永銷焚煬之虞一洗鬱攸

之氣  
伏以四明樂土萬室連甍自從兵燬以來無有  
火災之恐仲冬云始竒變可驚俄劫火之洞然  
沉海風之助虐民居邑屋遽化埃煤寶塔戒壇  
亦爲煨燼固難逃於天數願終賴於佛慈爰建  
道場併修齋懺衆心備盡緣事告成火坑成池  
長念觀音之力祝融悔禍無復畢方之妖庶一  
變於清涼當永消於熱惱

育王作潼川水陸疏文

水陸大齋冥陽普供報應不可筭數功果何待

贊揚江浙近年多用眉山蘇公之法東南信士  
罕見潼川楊氏之儀窮究本原具陳規範自梁  
武帝謀於誌公和尚取大一藏以有成由秦莊  
襄現於英公禪師隔二百年而復振讀者無不  
起敬行之未得其人載惟玉几之幽深不減金  
山之殊勝況舍利光明之殿方欲繕修會全蜀  
雲水之流俱來溫習將以重午之吉廣募四遠  
之人積少成多庶幾易舉自今準昔何媿前良  
上碧落下黃泉皆蒙利益盡虛空徧法界悉與  
證明以其施用之餘助此修營之費各希喜捨



共結勝緣

右語附

阿育王舍利寶塔夙著靈光梁武帝水陸大齋  
久嚴法供茲憑蜀道之衆共演潼川之儀勝事  
圓成群情胥悅三乘十地普施慈悲六道四生  
咸蒙善利仰祝 皇上後天之筭永爲東南集  
福之場山君海王併來擁衛緇流道侶毋怠焚  
修

持誦三經發願文

塵世七八十年心歸三寶毗盧五千餘卷口誦  
一周載惟般若之名金剛彌陀之談淨土觀音  
所說救苦爲先廣示衆生之津梁尤爲萬善之  
機要誓從今日更發誠心專持三經之言咸足  
大藏之數固知閻浮界內總是空華其如生死  
路頭未明實諦上則欲悟明於心地次則欲修  
證於西方冀諸佛之哀憐使願王之滿足遂超  
彼岸免墮迷塗盡此衰殘永無退轉

攻媿先生文集卷第八十一





